

Sangswh Yen Hai Aenhoih Ciuheuh Vunzlai Coengh Rengz Cauhlaeb Yienghndei Minzcuz Doxgiet Baenaj

8 nyied 6 hauh banhaet, Sangswh Yen hai aenhoih ciuheuh vunzlai okrengz coengh Fangzcwnzgngangj Si cauhaeb aen si yienghndei minzcuz doxgiet baenaj, nda ndei hong, ciuheuh ndaw yienh gak gaep gak boughmonz caeuq gak cuz ganbu ginzchung caiq caezhoz, rox dawz ndei diuzrap, guhdoi okrengz guh ndei yiengh hong neix. Gungh miz 156 boudaeuz caeuq boughmonz, danhvei caeuq gizwnq daeuj camgya aenhoih neix.

(Sangswh Minzcunghgiz)

► Yienhciengz aenhoih neix.



Yungzsuij:

Daihhagseng Daengz Mbanj Myauzcuz Mbouj Aeu Cienz Son Hagseng

8 nyied 7 hauh, Yungz-suij Myauzcuz Swciyen Donz-veij, Gijveij caeuq Cwngcouh Dayoz daengj danhvei guhdoi banh aenban daihhagseng mbouj aeu cienz roengz mbanj guh hong sonhag de hai ban lo, daihgaiq miz 10 bough daihhagseng daengz aen yienh neix Yungzsuij Cin Myauzmeij Gyahyenz Segih (giz vunz senj dieg comz youq), mbouj aeu cienz, guh song singgeiz nanz, son cungh, siujhagseng baenzlawz fuengzre bonj-faenh, raiz saw, diuqfoux caeuq gwzming gyauyuz daengj, hawj gyoengq hagseng gvaq duenh sujgyaj dijbauj lai.

(Lungz Linzci/龙林智 Yauz Genfangh/姚健芳)



▲ Bough daihhagseng hwnjdangz son lwgnvez dieg Myauzcuz.

▲ Boughdoxdax doxbeij dinfwngz guh hongranz.

Vanzgyangh:

Nungzminzgungh Doboxeij Dinfwngz

8 nyied 5 hauh, Gvangjsih daihroek gaiq nungzminzgungh doxbeij dinfwngz ndawde ciengz vunz Vanzgyangh doxbeij youq Vanzgyangh Mauznanzcuz Swciyen ndaw yienhsingz gwnz Giuzciengz Daengrongh guh doxbeij lo, gungh miz 206 bough nungzminzgungh doxbeij guh hongranz, ganq boughgeq, ciengx ganq lwgnyez oi, daeb cien daengj 10 yiengh hong, baijok gyoengq nungzminzgungh seizdaih moq neix dinfwngz ak yienghsiengq moq.

(Veiz Rui/韦睿)

Sanhgyangh:

Mbanj Duncuz Suen Makit Hom Lai Yinx Vunz Daeuj

8 nyied 6 hauh, Sanhgyangh Duncuz Swciyen Doujgyangh Cin Couhyaz Cunh Mbanjlozcunh 100 moux suen makit ndawde makit baenz lo, daengx suen makit hom lailai, dazyinx haujlai hekyouz daeuj haeuj suen bae cimz bae mbaet. Geij bi doxyawj neix, aen yienh neix dawz hwnghat lijyouz lajmbanj caeuq dawzcinj banggunz

doxgap habngamj, ok rengz hung hwnghat lijyouz lajmbanj caeuq lijyouz nungzyez, daiq vunz doxyawj onjndei duetgunz baenzfouq, okrengz coengh dieg Duncuz hoenx hingz ciengz ciengq ceiq sat—gunggheng duetgunz liuxcaez.

(Gungh Bujangh/龚普康 Liengz Siumingz/梁秀明)

◀ Song bough hekyouz mbaet ndaej makit le sim' angq langhbaij hawj vunzlai yawj.

